

Ի՞ՆՉ Կ'ԸՍԵՆ ՍՈՒՐԲ ՀԱՅՐԵՐԸ ՊԱՀԵՑՈՂՈՒԹԵԱՆ ՄԱՍԻՆ

Պահք պահողները պետք է արթուն ըլլան, որովհետև Սատանան կրնայ կորուստի մատնել թե՛ պահեցողը եւ թե՛ պահեցողութիւնը, եթէ երբեք պահեցողը անպարկեշտ բանբասանքներ կատարէ, ինքզինք ուրիշներէն գերիվեր ցոյց տայ, կամ կերակուրները պիղծ նկատէ եւ կամ կեղծատրներու նման պահեցողութիւն ընէ իր պահեցողութիւնը ուրիշներու նայուածքներէն հեռու պահելով, որպէսզի սնապարծ եւ կեղծատր չերեւնայ, բայց փափաքելով նաեւ որ իր ժուժկալութիւնը նկատուի ուրիշներու կողմէ: Երբ ոչ ոք նշմարէ, ինք առիթը կը ստեղծէ իր խիստ պահեցողութիւնը ցոյց տալու համար, որպէսզի մարդիկ սքանչանան զայն իրագործելու իր համբերութեան վրայ: Նման պահքեր ո՛չ կը սրբեն եւ ո՛չ ալ կ'արդարացնեն, այլ կը պղծեն եւ կորուստի կը մատնեն (Յովհան Մանդակունի):

Ամէն օր նոյն ժամուն կեր, եւ կեր միայն մարմինը ամրացնելու համար եւ ոչ թէ հաճոյքի համար (Իսահակ Ասորի):

Քառասնօրեայ պահեցողութեան ժամանակ երբ խիստ պահեցողութիւն կ'ընենք, կը մեռնին մեր բոլոր ցանկութիւնները, կը մարի մեր բարկութիւնն ու ցասումը, կը հանդարտի ու կը խաղաղի ամէն խռովութիւն, որ յառաջ կու գայ որկրամոլութենէ:

Մեծն Աթանասիոս

ԵՐԵՔՇԱԲԹԻ ԳԻՇԵՐՈՒՄՆ ՍՈՒՐԲ ՊԱՏԱՐԱԳ

Ամէն երեքշաբթի գիշեր, ժամը 7:00-8:00, Պուրճ Համուտի Ս. Վարդանանց եկեղեցւոյ մէջ պիտի մատուցուի սուրբ պատարագ: Սուրբ պատարագը պիտի երգէ հաւատացեալ ժողովուրդը:

Հոգեւոր խորհրդածութիւն պիտի կատարէ Լիբանանի Հայոց Թեմի Առաջնորդ՝

Գերշ. Տ. Նարեկ Արքեպիսկոպոս

ԵՐԵՔՇԱԲԹԻ ԳԻՇԵՐՈՒՄՆ ԵՐԻՏԱՍԱՐԴԱԿԱՆ

ԱՍՏՈՒԱԾԱՇՈՒՆՆԵՐԻ ՄԵՐՏՈՂՈՒԹԻՒՆ

Ամէն երեքշաբթի գիշեր, ժամը 8:00-8:30, Պուրճ Համուտի Ազգային Առաջնորդարանի «Երջօ Սամուէլեան – Եռագոյն» սրահին մէջ, 18-40 տարեկան երիտասարդ-երիտասարդուհիներու ծանօթացման ընկերային հաւաք, ապա՝ ժամը 8:30-9:00, Աստուածաշունչի սերտողութիւն եւ հայ քրիստոնէական կեանքի հաւաքական քննարկում:

Աստուածաշունչի սերտողութիւնը պիտի կատարէ Լիբանանի Հայոց Թեմի Առաջնորդ՝ Գերշ. Տ. Նարեկ Արքեպիսկոպոս:

Դիւան Ազգային Առաջնորդարանի

Միբելի ընթերցող, ՃՐԱԳ թերթը ամէն Կիրակի կը բաժնուի մեր ժողովուրդին, եկեղեցիներու բանկային մօտ: Նաեւ՝ Facebook-ի վրայ փնտռել «Jerak կամ ՃՐԱԳ», ապա սեղմել «Like»ը, կարդալու կամ անդամագրուելու համար:

ՀԱՍՑԷ.



ԿԻՐԱԿԻ ՕՐԵՐՈՒ ԱՍՏՈՒԱԾԱՇՈՒՆՆԵՐԻ ԸՆԹԵՐՅՈՒՄՆԵՐ
Ես. 58.1-14: Հն. 13.11-14.25:
ՅԻՍՈՒՄ ԲՐԻՍՏՈՍԻ ԱԲԵՏԱՐԱՆԸ ԸՍՏ ՄԱՏԹԷՈՍ 6.1-21

Ա. Քառասնօրեայ: ԲՈՒՆ ԲԱՐԵԿԵՆՌԱՆ

Ձգո՛յ՛շ, Աստուծոյ հանդէպ ձեր պարտաւորութիւնները մարդոց ներկայութեան մի՛ կատարէք ցոյցի համար, որովհետև այդ պարագային վարձատրութիւն պիտի չստանաք ձեր երկնատր Հօրմէն:

Երբ ողորմութիւն կ'ուզես տալ՝ փող ու թմբուկով մի՛ ընէր, մարդոց ուշադրութիւնը գրաւելու համար, ինչպէս կեղծատրները կ'ընեն ժողովարաններու մէջ եւ հրապարակներու վրայ՝ մարդոցմէ գովասանք ընդունելու ակնկալութեամբ: Վստահ եղէ՛ք, միայն այդ է անոնց վարձատրութիւնը: Ընդհակառակը, դուն երբ ողորմութիւն պիտի տաս, ձախ ձեռքդ թող չգիտնայ, թէ ինչ կ'ընէ աջ ձեռքդ: Այսպիսով ողորմութիւնդ գաղտնի ըրած կ'ըլլաս, եւ քու երկնատր Հայրդ որ անտեսանելի է, բայց կը տեսնէ կատարածդ, քեզ պիտի վարձատրէ յայտնապէս:

Նմանապէս, երբ կ'աղօթես՝ կեղծատրներուն մի՛ նմանիր, որոնք կը սիրեն ժողովարաններու մէջ եւ հրապարակներու անկիւնը աղօթել, որպէսզի մարդիկ իրենց աղօթելը տեսնեն: Վստահ եղէ՛ք, միայն այդ է անոնց վարձատրութիւնը: Այլ երբ պիտի աղօթես, մտի՛ր սենեակդ, գոցէ՛ դուռը եւ աղօթէ՛ քու երկնատր Հօրդ, որ անտեսանելի է. եւ Հայրդ որ կը տեսնէ կատարածդ, քեզի պիտի հատուցէ յայտնապէս: Տակաւին, երբ կ'աղօթես, մի՛ շատախօսեր հեթանոսներուն նման, որոնք կը կարծեն, որ եթէ երկար աղօթեն՝ Աստուած պիտի լսէ զիրենք: Արդ, մի՛ նմանիք անոնց, որովհետև ձեր Հայրը գիտէ ինչ որ պէտք է ձեզի, նոյնիսկ երբ տակաւին իրմէ խնդրած չէք:

Ուրեմն այսպէ՛ս աղօթեցէք. «Հայր մեր երկնատր, սրբաբանուի՛ անունդ. թող զայ արքայութիւնդ, թող կատարուի քու կամքդ, ինչպէս որ երկինքի մէջ՝ այնպէս ալ երկրի վրայ: Ամենօրեայ մեր հացը այսօր եւս տուր: Ներէ՛ մեր յանցանքները, ինչպէս որ մենք կը ներենք անոնց՝ որոնք մեզի դէմ նոյնպէս յանցանք կը գործեն: Եւ թոյլ մի՛ տար, որ փորձութեան մէջ իյնանք. այլ մեզ չարէն ազատէ: Որովհետև քո՛ւկդ եմ միշտ՝ արքայութիւնդ, գործութիւնդ եւ փառքը. ամէն»: Եթէ մարդոց ներք իրենց յանցանքները, ձեր երկնատր Հայրն ալ պիտի ներէ ձեզի: Իսկ եթէ մարդոց չներէք իրենց յանցանքները, ձեր երկնատր Հայն ալ պիտի չներէ ձեր յանցանքները:

**ՄԱՐԳԱՐԵԱԿԱՆ ԳԻՐՔԵՐ
ՊՕՂՈՍ ԱՌԱՔԵԱԼԻ
ՆԱՄԱԿՆԵՐ**

*ԵՍԱՅԻ ՄԱՐԳԱՐԵԻ ԳԻՐՔԵՆ
58.1-14*

Այսպէս կ'ըսէ Տէրը. «Ուժգին եւ անկաշկանդ պոռա՛, փողի նման ձայնդ բարձրացուր եւ իմ ժողովուրդիս պատմէ իր մեղքերը: Յակոբի սերունդին պատմէ իր անօրէնութիւնները:

Ամէն օր գիս կը փնտոնեն, կ'ուզեն իմ նախապարհներս նանչնալ, կարծես արդարութիւն գործած ժողովուրդ մը ըլլային, կարծես իրենց Աստուծոյն պատուիրաններէն երբեք դուրս ելած չըլլային:

Եւ հիմա եկեր արդարութիւն եւ իրաւունք կը փնտոնեն բովս, եւ կ'ուզեն Աստուծոյ մօտենալ:

Կը հարցնեն. «Ծով բռնեցիմք, ինչո՞ւ նկատի չառիր: Մենք մեզ նեղեցիմք, ինչո՞ւ չլսեցիր մեզ»: Որովհետեւ, կ'ըսէ Տէրը. «Ծով բռնած ատեն դուք ձեր գիտցածը կ'ընէք դարձեալ: Զեր աշխատաւորները կը հարստահարէք, ձեր հակառակութիւններն ու կոհիւնները կը շարունակէք եւ խեղճներն ու աղքատները կը տանջէք:

Այսպիսի ծովապահուստիւն պէտք չէ ինձի: Այսպիսով ձեր ձայնը ինձի չի հասնիր:

Միթէ այսպիսի՞ ծով ուզեցի: Պահանջեցի՞ որ մարդս ինքզինքը չարչրկէ, կամ գլուխը խոնարհեցնէ, ինչպէս եղէգը հովին դիմաց, կամ բուրձի եւ մոխիրի վրայ պառկի:

Ա՞յս է բու ծովապահուստիւն կոչածդ եւ Տիրոջ համար ընդունելի ծովապահութեան օրը:

**ՊՕՂՈՍ ԱՌԱՔԵԱԼԻ ՆԱՄԱԿԸ
ՀՈՌՎՄԱՅԵՑԻՆԵՐՈՒՆ
13.11-14.23**

Սիրոյ այս սկզբունքով ընթացէ՛ք, գիտնալով թէ ի՞նչ ժամանակի մէջ կ'ապրինք: Ժամանակն է, որ քունէն արթնանք, որովհետեւ հիմա փրկութիւնը աւելի մօտ է մեզի քան այն ատեն՝ երբ հաւատացինք: Գիշերը ահա կ'անցնի եւ ցերեկը մօտ է: Ուստի խաւարի գործերէն հեռանանք եւ լոյսի զէնքերը առնենք՝ ապրելու համար այնպէս ինչպէս վայել է լոյսի մէջ քալողներուն, փոխանակ անառակութեամբ, արբեցութեամբ, խառնակեցութեամբ ու պղծութեամբ, կամ նախանձով ու հակառակութեամբ ապրելու: Տէր Յիսուս Բրիստոսի նմանեցէք եւ մարմնի ցանկութիւնները կատարելու հետամուտ մի՛ ըլլաք:

Հաւատքի մէջ տկարացած մէկը ընդունեցէ՛ք առանց իր խիղճը տանջող կասկածները քննադատելու: Օրինակ, մէկը կը հաւատայ, թէ կուռքերու զոհած միսէն կարելի է ուտել: Ուրիշ մը, որ կասկած ունի այդ մասին, բանջարեղէն կ'ուտէ միայն: Միս ուտողը թող չարհամարիէ չուտողը, իսկ չուտողը թող չքննադատէ ուտողը, որովհետեւ Աստուած զայն ընդունէր է: Ո՞վ էս դուն որ Աստուծոյ ծառան կը դատես: Տէրը ինք միայն գիտէ իր հաւատքին մէջ կանգո՞ւն է անկա, թէ ինկած: Բայց վստահ եղէ՛ք, որ կանգուն պիտի մնայ, որովհետեւ Տէրը կրնայ զայն կանգուն պահել:

ՍՈՒՐԲԵՐ ԵՒ ՏՕՆԵՐ

ԲՈՒՆ ԲԱՐԵԿԵՆՂԱՆ

Բարեկենդան կը նշանակէ բարի կենդանութիւն, խրախճանք, ճոխ եւ առատ ուտելիքներով վայելելու օր:

Գլխաւոր շաբաթապահերու նախորդ Շաբաթ օրը կը կոչուի բարեկենդան եւ այդ առիթով կը թոյլատրուի աւելի ճոխ ուտել: Եկեղեցական օրացոյցի մէջ յաճախ կը հանդիպինք բարեկենդանի յիշատակութեան, որովհետեւ կարեւոր պահքերը ունին իրենց բարեկենդանը:

Բայց բարեկենդաններուն մէջ յատկանշական է Մեծ Պահքի նախընթաց Կիրակի օրը, որ կը կոչուի **ԲՈՒՆ ԲԱՐԵԿԵՆՂԱՆ**:

Բուն Բարեկենդանի օրը կը պատրաստեն ճոխ սեղան, կը կատարեն դիմակաւոր խաղեր, խրախճանքներ եւ այլն:

Վանքերու մէջ նոյնիսկ Բուն Բարեկենդանի օրը որոշ ազատութիւն կը տրուէր եւ այդ օրը ժամանակին կը կոչուէր **ԱԲԵՂԱԹՈՂ**:

Բուն Բարեկենդանի նախորդ օրը՝ Շաբաթ երեկոյեան ժամերգութեան ընթացքին, եկեղեցւոյ խորանի վարագոյրը կը գոցուի, եւ նոյն օրը կը սկսի արդէն ապաշխարութեան շրջանը: Հոգեւոր արարողութիւնները կը մեղմանան, Ս. Պատարագը կը մատուցուի վարագուրուած խորանին ետեւը: Այսպիսով կը սկսի քառասնօրեայ ապաշխարութիւնը եկեղեցւոյ մէջ:

Եկեղեցւոյ անուանակոչութեան եւ կամ կարեւոր սուրբերու տօներու առիթով երբ կը մատուցուի հանդիսաւոր Սուրբ Պատարագ, վարագոյրը կը բացուի եւ տեղի կ'ունենայ բաց պատարագ:

Բուն Բարեկենդանի շարականները կը պատմեն, թէ ինչպէ՞ս ստեղծուեցաւ մարդը եւ ապրեցաւ դրախտի փափկութեան մէջ: Այնտեղ դրախտի մէջ մարդը «ցնծայր զուարճացեալ անտխրական խնդութեամբ», որովհետեւ միշտ կը տեսնէր Աստուծոյ: Բուն Բարեկենդանի շարականներու առանցքը «Դրախտի փափկութիւնը», «Դրախտի զուարճութիւնը» եւ նախատիպ մարդու՝ Ադամի երջանիկ վիճակը կը կազմէ: Քրիստոսը կը յիշատակուի որպէս երկրորդ Ադամ, որ իր միջոցով մարդոց արժանի դարձուց «Դրախտի փափկութեան»:

Բուն Բարեկենդանի շարականները նոյն օրը զուարճացնող մարդոց կը յիշեցնեն նաեւ Դրախտի հոգեւոր երջանկութիւնը եւ ուրախութիւնը:

ԱՌԱԿՆԵՐ

Իմաստութեան սկիզբը Տիրոջ երկիւղն է, խելացի են բոլոր անոնք, որոնք այդ իմաստութեամբ կ'ապրին իսկ զգօծութեան սկիզբը՝ բարեպաշտութիւնն է Աստուծոյ հանդէպ, բայց ամբարիչտները կ'անարգեն իմաստութիւնն ու խրատը: (Առակաց 1:7)